

## Gipuzkoako Aldizkari Ofiziala

49. zenbakia

Data 2008-03-10

7500 orria

### 7 UDAL ADMINISTRAZIOA ARETXABALETAKO UDALA

#### Haur Eskolaren erregelamendua aldatzea. Behin betiko onespena.

### ARETXABALETAKO UDALA

#### *Iragarkia*

2008ko otsailaren 25ean izandako Osoko bilkuran, besteen artean, erabaki zen Udal haur eskolaren araudiaren aldaketa behin betikoz onartzea. Araudian egin diren aldaketak kontuan hartuta, Udal haur eskolaren araudia honako hau da:

#### UDAL HAUR ESKOLAREN ARAUDIA

##### *1. artikulua.*

Araudi honen xedea haur eskolaren udal zerbitzua (0-3 urte bitartekoa, Haur Hezkuntzako 1. zikloa) arautzea da, giza eta hezkuntza zerbitzua dena, emakida bidez zeharkako gestioz eskainitakoa, haurrari bere beharren arabera eskolaurreko hezkuntza emanez, teknika pedagogiko egokienez baliatuz eta bere hezkuntza haurra inguratuta dagoen kultur girora egokituz.

Komunitate-zerbitzu denez, haur Eskola Aretxabaletako haur guztientzat irekita dago, herri guztiaren beharrak asetu beharko dituen, plaza kopurua izanik muga bakarra.

Udalerriko umeen eskaria asetutakoan, Zentroak eskualdeko herrietako haurrei ere eskaini diezaike zerbitzua.

Haur eskolak izango dituen soslai edo identitate ezaugarriak honako hau izango dira:

a) Hezkuntzari dagokionez, metodo pedagogiko egokiak eta bizi duen kultur giroa hartuko dira kontuan. Aldi berean, gure hizkuntzak duen egoeraz jabeturik, haurrek txiki-txikitik euskara ikas dezaten tresna edo baliabide egokia izango da.

b) Beste haur eskola batzuen esperientziak ezagutu eta alor honetan izaten diren aurkikuntzak.

c) Behar fisikoei erantzuna eman, hala nola, elikadura egokia, osasun araketa eta zainketak maiz-maiz, familia eta eskolako hezkuntzaren arteko traumak ekidin, sormena lantzea, bere gaitasun afektiboak, intelektualak zein psikikoak garatzea, bere nian eta kanpoko mundua, eskolaurreko hezkuntza, eta sormenaren garapena etab.

Honako hauek izango dira haur eskolaren identitate-ezaugarriak:

a) Zentroaren funtzionamendua demokratikoa eta anitza da, hezkuntzaren helburuak lortzeko funtsezko protagonista izango dira guraso eta tutoreak eta hauen partaidetasuna bultzatuko da.

b) Zentroaren irakaskuntza-hizkuntza euskara izango da eta dagokion metodologiaren bidez, hizkuntza hori irakatsiko da, baita ama-hizkuntza euskara ez duten haurrei ere.

c) Zentroak izaera laikoa eta pluralista izango du, guraso eta hezitzaileen iritzi filosofiko, politiko edo erlijioso errespetatuz eta inolako eskolatze-jokaerarik gabe.

d) Zentroa gainerako hezkuntza-zentroekin koordinatuko da, bakoitzak duen autonomiaren barruan esperientziak elkar trukatzeko, elkarrekiko informazio eta lankidetzaren berri emateko.

e) Beren seme-alabek hezten jarraitu behar duten hezkuntza-zentroa aukeratzeko askatasuna bermatuko die Zentroak guraso eta tutoreei.

f) Aurrematrikulazio aurreko garaian udalerriko ikastetxeek eta Aretxabaletakoko ikasleak eskolarizatzen dituzte ikastetxeek beraien zentroaren hezkuntza eskaintza ziklo hau (3 urte) bukatzen duten umeen gurasoei helarazteko aukera izango dute eta baita zentroaren lokaletan hitzaldi informatiboak emateko aukera beti ere, zentroaren Batzorde Kudeatzaileari aldez aurretik baimena eskatutakoan eta bere oniritziarekin ere.

##### *2. artikulua.*

Haur eskolan plaza eskatzen dutenek honako baldintza hauek bete beharko dituzte:

- a) Eskaera-orria behar bezala beteta ekarri, hala behar izanez gero, mediku-agiriarekin.
- b) Haurrak hartu dituen txertoak adierazi. Gora-behera bereziengatik, haurrak dagozkion txertoak hartu ez baditu, hori eragozten duen arrazoia azaltzen duen mediku-agiria ekarri beharko du eta zentroko osasun-langileek erabakiko dute onartu ala ez.
- c) Dirua kobratzeko ezarritako dagoen sistema onartu eta eskura jarri Banketxe edo Aurrezki Kutxako kontu korronte edo libreta zenbakia.

### 3. artikulua.

Haur eskolako ikasturtea irailean hasten da eta uztailean bukatu, abuztuan oporrak izanik. Ikasturtea behar den denboraz planifikatzeko eta mota guztietako aurreikuspenak egiteko, aurrematrikulazio epea ezarriko da, Haur Hezkuntzako ikastetxeentzat ohikoa den epea, (otsaila-martxoa), hurrengo ikasturtean hasteko moduan dauden haurren izenak hartzeko, hau da, irailean hasteko moduan daudenentzat, matrikula-epea Udalak finantzaturiko iragarkiak prentsaren bidez jakinaraziko duelarik.

Gainerako haurren kasuan, matrikulazioa ikasturtean zehar egingo da, haur eskolan sartu behar duten eguna kontuan hartuz eta derrigorrezko izango da egun hori baino lehenago haurra matrikulatzea; modu horretan bigarren eta hirugarren gelan sartu beharreko haurrak matrikulatzea ekiditeko ahal den neurrian, haurra bera eta gelaren dinamika kontuan hartuz.

### 4. artikulua.

Haurra haur eskolara ohitzeko egokitze-prozesua egitea derrigorrezkoa da eta bertako hezitzaileek finkatuko dute haurraren egokitzapena; zentzuzko denbora igaro ondoren haurra ez bada zentrora egokitu eta lortzeko aukera gutxi dagoela ikusten bada, bere etxera bidaliko da, aldezturik zentroaren arduradunak planteatuta.

### 5. artikulua. *Onarpenerako irizpideak.*

Aretxabaletan erroldaturiko umeek lehenagotik izango dute izen emate epea baino 6 hilabete lehenago haurraren guraso biak Aretxabaletan erroldatuta badaude. Zalantzaren bat sortuz gero, Zuzendari batzordeak erabakiko du. Onuradunen kopuruak plazen kopurua gainditzen badu, honako irizpideak erabiliko dira zerrenda osatzeko:

- Gurasoen sarrera lanbide arteko gutxieneko soldata baino txikiagoa bada, 3 puntu.
- Gurasoen sarrera lanbide arteko gutxieneko soldata baino %6 artekoa bada, 2 puntu.
- Gurasoen sarrera lanbide arteko gutxieneko soldata baino %6a gainditzen badu, puntu bakarra.

Diru sarrera kalkulatzeko familiaren urteko diru sarrera urteko hilabeteko kopuruarekin zatituko da. Azkenik, honen emaitza familia osatzen duten guraso eta seme-alaben kopuruarekin zatituko da.

Bestalde, umeak anai-arrebaren bat haur eskolan matrikulatuta badu, 0,1 puntu emango da, anai-arreba bakoitzeko. Erditze anitzen kasuetan puntuazio berbera emango da.

Irizpide hauek guztiak aplikatu ondoren matrikulatutako haurren kopuruak plazen kopurua gainditzen badu, zozketa egingo da. Zozketa aurretik eta gurasoen aurrean idatzitako haurren izen-abizenak zozketarako erabiliko den ontzian sartuko dira. Ondoren, haurren izen-abizenak banan-banan aterako dira haurren plazen kopurua bete arte.

Behin umeak matrikulatutakoan, plaza gehiagorik izanez gero Aretxabaletan ez erroldaturiko umeek sartzeko aukera izango lukete. Kasu honetan urtero Aretxabaletako Udalak Aretxabaletan ez erroldaturiko erabil-tzailek ordaindu beharreko kuoten zenbatekoak proposatuko ditu. Haurrak matrikulatuko dira aipatu aurrematrikulazio aurreko epean, behin hori bukatutakoan onarpena ordena matrikulazio zurrunaren arabera egingo da erabilgarri dauden plaza guztiak bete artean.

Haur eskolan onartzen ez diren haurrekin zerrenda bat egingo da aipatu irizpideen arabera eta ikasturtean zehar hutsune bat gertatzen denean ordenari jarraituko zaio. Inolako bazarrik sortuko ez balitz, behin izena emateko epea zabaltzen denean berriro ere izena eman beharko lukete, aurretik lortutako eskubideak galduz.

Bestalde, izena emanda duten haurren bat izaera berarizko edo berezizat jotzen bada, Eskolaren Zuzendaritzari legokioke hezitzaileen eta Aretxabaletako Udalaren Gizarte Zerbitzuen gizarte langileen txostenak eskatzea.

Berarizko edo kasu berezizat ondoko egoera bietarikoa jotzen da:

1. Haur berezia: Bere egoera fisiko edo sikikoarengatik mota honetako dinamikan sartzea aholkatzen denean edo zainketa berezitua beharra duenean.
2. Familia egoera edo egoera sozioekonomikoarengatik, eta egoera horrek berarizko tratamendua eskatzen duenean. Diru iturri mugatuak dituzten familientzat, gizarte hezkuntza eta laguntza tarifaren prezio pertso-

nalizatuak ezarri eta onartu ahal izango ditu Udalak; proposamen horiek Udaleko Gizarte Zerbitzuetako Sailak aztertu eta proposatuko ditu, zentroko Zuzendaritza Batzordeak aztertu eta definituko duen kasuistika, proposamen gisa, eta lehentasuneko beheranzko ordenan, gutxieneko lanbide soldata jasotzen duen familia bateko partaide izatea, guraso bakarreko familia bateko partaidea izatea, minusbalidoa izatea eta etxetik kanpo bi ezkontideek lan egiten dutenean.

Urte batean eskolan ibilitako haurrek hurrengo ikasturtean ez badira egon behar, izena emateko epe berean baja horren berri eman beharko dute. Ikasturtean zehar sor daitezkeen bajak direla eta diru kontuatarako, Zerbitzuaren prezio baimenduen inguruan Udalbatzarrak erabakitakoari jarraituko da.

a) Ikasturtean zehar bajarik egonez gero, honako irizpideak aplikatuko dira:

a.1. Baja bakoitza Zuzendari Batzordeak ikertuko du eta baja emateko oniritzia eman.

a.2. Urtea lau hiruhilabetetan zatituko da, Irailetik hasita. Batzordearen iritziz haur baten baja justifikatuta dagoenean dagokion hiruhilabetearen amaiera arte ordaintzea ezinbestekoa da. Horretarako, kontuan hartuko da gurasoek Pausokari noiz jakinarazten dioten baja.

Batzordearen ustez baja ez bada justifikatua ikasturte osoa ordaindu beharko du.

a.3. Gurasoek kuota ordainduko ez balituzte, Udalak araudiaren 14. artikuluan aipatzen den zigor espedientea aplikatuko du. Baja hartu duen umearen ordezkotako bat sartuko balitz ume berria sartzen den unetik baja hartu duen umearen gurasoek Pausokari ordaintzea utziko liokete. Ez da inoiz plaza bakarragatik birritan kobratuko.

b) Gizarte zerbitzuak baremo ekonomikoak berrikusiko ditu erabakiorrak izan daitezken. Bestalde, gurasoei ere, Errenta Aitorpena Udaletxean aurkezteko aukera emango zaie. Honela ba, aurkezten ez duenari puntuazio minimoa emango zaio eta aurkezten duenari dagokiona.

c) Famili unitate barruan gurasoak eta 18 urtetik beherako seme-alabak hartuko dira kontuan. 18 urtetik gorako seme-alabak ere kontuan hartuko dira ekonomikoki gurasoen mende daudenean, hau da, ikasten edo langabezia daudenean.

#### 6. artikulua.

Hiru hilabetetik hiru urte bitarteko haurrak onartuko dira, hau da, eskola zikloan sartzeko adina duten artekoak.

#### 7. artikulua.

Zerbitzuaren orduak: Goizeko 7,30etatik arratsaldeko 6ak arte.

#### 8. artikulua.

Haur eskolan zerbitzuak eskaintzeagatik sortutako kuota edo tarifak Udalak ezarriko ditu Osoko Bilkuran eta prezio baimenduak direnez, Legean ezarritako arauen arabera aldagarriak izan daitezke. Haurren gurasoek hileko kuota hileko lehenbiziko bost egunetan ordaindu beharko dute eta ordaindu ezean banketxeetako kosteak beregain hartuko dituzte.

#### 9. artikulua.

Hezitzaileak dagozkien gelatan honela banatuko dira:

— 0tik urtebete artekoak: 6-8 haur.

— Urtebetetik 2 urte arte: 10-12 haur.

— 2 urtetik 3 urte arte: 14-17 haur.

Janaria, jantokia, garraioa, e.a. moduko laguntza zerbitzuak emateko, nahiko langile behar da, eta zerbitzu osagarri horiek emateko agintari aginpidedunek ezarritako arauak jarraituko dituzte, eta enpresa kontzisionarioak jarriko ditu zerbitzu horien prezioak, emandako zerbitzuen autofinantzaketako irizpideak jarraituz, eta prezio horien berri emango dio Udalari ikasturte hasieran, jakin dezan eta oniritzia emateko.

#### 10. artikulua.

Haurren hezkuntzarekin harreman zuzena dutenak gurasoak direnez, haur eskolak komeni den moduan funtzionatzeko behar den kudeaketan gurasoen partaidetza bideratuko duten organo eta bideak sustatuko dira, hezkuntza-lana zerbitzuko profesionalen ardura dela kalterik gabe.

#### 11. artikulua.

Zuzendaritza Batzordea eratuko da, udal zerbitzuaren identitate-ezaugarriak eta helburu nagusiak betetzen direla egiaztatzeko xedea duena.

Honako hauek osatuko dute Zuzendaritza Batzordea:

- Zentroaren zuzendaria.
- Bi irakasle, batek idazkari lanak egingo ditu.
- Gurasoen bi ordezkari.
- Udaleko ordezkaria.

Dena den, zuzendaritza Batzordearen osaketa azaroaren 20ko 9/1995 Lege Organikoak ezarritakora egokituko da, eskolako baldintzek ahalbidetzen duten heinean.

Batzordearen eginkizunak 9/1995 Lege Organikoaren 11. artikuluan jasotakoaz gain, honako hauek izango dira:

- a) Hezitzaileen irizpideak eta haur eskolaren helburuak jasoko dituen urteko plangintza ezagutu eta berretsi.
- b) Urteko memoria ezagutu.
- c) Erakundearen balantzea ezagutu.
- d) Zerbitzuaren prezio publikoa arautzen duen Ordenantzari dagozkion tarifak gainbegiratzea proposatu Udalari, zerbitzuaren Erakunde Emakidadunak ezarritako eskubideen kalterik gabe.
- e) Zerbitzua hobetzeko balioko duten Araudi honen aldaketak proposatu Udalari.
- f) Udala eta emakidadunaren artean kontratua interpretatu eta jarraipenean sortzen diren gaiak ezagutu.

Batzordeak gutxienez urtean bitan egingo ditu bilerak.

Zentroaren ohiko funtzionamendua eramateko eta jarduera pedagogikoa zein asistentziala kudeatzeko zerbitzuaren kontzesionarioak erabiliko du berez duen Batzorde Kudeatzaileak edo bere kasuan, izan ezean, sortu beharko zuena, non Udalak, gainerako ikastetxeetan duen bezala, udal ordezkaria izendatuko duen.

#### 12. artikulua.

Irakasle edo hezitzaile taldea haur-talde guztietako hezitzaileez osatua izango da, hauek beharrezko ikusten dituzten adituekin. Hezkuntza aldearekin zerikusia duen guztiaz arduratuko dira eta horretan eragina izan dezaketen faktoreekin.

#### 13. artikulua. Funtzionamendu-arauak.

##### A) Orokorrak:

1. Indarreko ordu, zerbitzu eta tarifak haurra onartzen den momentuan jakinaraziko zaizkie gurasoei. Horrekin batera, oinarrizko funtzionamendu-arauak azaltzeko agiria banatuko zaie.
2. Aurreikusitako helburu, programa eta zerbitzuak gutxienez urtero gainbegiratuko dira, egoeraren bat aldatzen bada gomendagarria bada.
3. Asistentzia-hutsegiteak zentroari jakinarazi beharko zaizkio eta arrazoitugabeak direnean araudi honen diziplina-erregimenean ezarritakoa erabili daiteke, betiere hutsegite horiek haurra zentrorra egokitzeko prozesuan eragina badute.

##### B) Medikuntza-osasunezkoak:

1. Osasun-Mediku titularraren erantzukizuna izango dira zentroko haurren osasun-baldintzak, horri buruz hartu beharreko neurri guztien berri emango du.
2. Haurra zentrorra etortzean mediku-ziurtagiria ekarri beharko du. Osasun egoera onean ez dauden haurrak ez dira zentroan onartuko, ez behintzat duen gaixotasunak beste hurrekin elkarbizitzeko arazoak ez dizkiola sortzen egiaztatzen ez duen bitartean.

Gurasoek, umea onartzen den momentuan indarreko ordu zerbitzu eta tarifak jakin arazteaz gain oinarrizko funtzionamendu arauak azaltzen duten agiri bat sinatu beharko dute, bertan azaltzen diren puntuak onartzuz.

#### 14. artikulua.

Araudi honetan ezarritako arau-hausteak isunekin zigortu ditzake Udalak, Zuzendaritza Batzordeak aurrez jarritako espedientea eginik, lege barruan baimendutako muga barruan.

### AZKEN XEDAPENA

2000ko uztailaren 26an egindako bilkuran Udalbatzarrak onartutako araudi hau, 7/85 Legearen 70.2 artikuluan aurreikusitakoaren arabera sartuko da indarrean eta aldatzea edo ezereztea proposatzen ez den bitartean indarrean jarraituko du.

Aretxabaleta, 2008ko otsailaren 27a.—Alkatea.

(314) (2504)